



Visoki predstavnik Valentin Inzko danas posjetio Historijski muzej

Visoki predstavnik Valentin Inzko danas je posjetio Historijski muzej u okviru programa Sedmica otvorenih vrata, čime Historijski muzej pokušava da skrene pažnju javnosti na svoju trenutnu situaciju.

“Mislim da je važno skrenuti pažnju na tešku situaciju u kojoj se nalazi sedam kulturnih institucija Bosne i Hercegovine. U njih spadaju: Zemaljski muzej, Historijski muzej, Muzej književnosti, Umjetnička galerija BiH, Nacionalna i univerzitetska biblioteka, Nacionalna biblioteka za slijepa i slabovidna lica i Kinoteka Bosne i Hercegovine. Nažalost, ovo nije ništa novo – status ovih institucija godinama nije rješavan. Nadam se da će Vijeće ministara u utvrđivanju budžeta za 2012. godinu također poduzeti potrebne mjere da osigura dodjelu sredstava”, rekao je Inzko.

Ovo pitanje nije samo pitanje javnih objekata. Ove institucije su mjesta na kojima se nalazi kulturno naslijeđe BiH i njenih naroda. Postoji opasnost da dokumenti i eksponati koji svjedoče o tom naslijeđu – što je neprocjenjiva komponenta evropske kulture – budu oštećeni, s obzirom da nisu osigurani uvjeti za njihovo održavanje. Ove institucije bi se mogle koristiti kao značajni resursi u nastavi, turizmu i stvaranju pozitivne slike o BiH.

Galerija slika: